



Broj: 01/5-50-1-6-19/08
Sarajevo, 29.7.2008.godine

Z A P I S N I K
19. sjednice Komisije za saobraćaj i komunikacije,
održane 28. i 29.7. 2008. godine

Sjednici su prisustvovali članovi Komisije:

1. Branko Dokić, (28. i 29.7.)
2. Šemsudin Mehmedović (28. i 29.7.)
3. Slavko Matić (29.7.)
4. Sadik Bahtić (28. i 29.7.)
5. Mehmed Suljkanović (28. i 29.7.)
6. Savo Erić (29.7.)
7. Selim Bešliagić (29.7.)

Opravdano su odsustvovali Snježana Rajilić i Husein Nanić.

Iz Vijeća ministara BiH sjednici su prisustvovali: Izet Bajrambašić i Kojo Koprivica, pomoćnici ministra komunikacija i prometa BiH. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 18. sjednice Komisije;
2. Prijedlog odluke o usvajanju Saobraćajne politike Bosne i Hercegovine za period od 2008. do 2020. godine, predlažać: Vijeće ministara BiH;
3. Razmatranje izvještaja Ustavnopravne komisije Predstavničkog doma o autentičnom tumačenju člana 23. Zakona o Javnom radiotelevizijskom sistemu BiH („Sl. glasnik BiH“, br. 78/05);
4. Tekuća pitanja.

Dnevni red jednoglasno je usvojen.

Ad. 1. Usvajanje Zapisnika 18. sjednice Komisije

Zapisnik 18. sjednice Komisije usvojen je jednoglasno, bez primjedbi.

Ad. 2. Prijedlog odluke o usvajanju Saobraćajne politike Bosne i Hercegovine za period od 2008. do 2020. godine, predlađač: Vijeće ministara BiH

Branko Dokić pozvao je predstavnike Vijeća ministara BiH da daju uvodnu riječ o Prijedlogu odluke o usvajanju Saobraćajne politike Bosne i Hercegovine za period od 2008. do 2020. godine (u daljnjem tekstu: Saobraćajna politika).

Izet Bajrambašić istakao je da je Saobraćajna politika jedan od tri značajna dokumenta za unapređenje saobraćaja u Bosni i Hercegovini, a druga dva su u izradi, i to: Saobraćajna strategija i Akcioni plan, i oni treba da omoguće provođenje Saobraćajne politike. Usvajanje ovih dokumenata neophodno je kako bi se odredio budući razvoj saobraćaja u Bosni i Hercegovini, kao i važan preduslov za finansiranje saobraćaja od međunarodnih finansijskih institucija. Saobraćajna politika je okvirni i bazni dokument. Okvirni pošto obuhvata sve što se odnosi na saobraćaj, a bazni zbog toga što iz njega proizilaze sve aktivnosti vezane za donošenje zakona i drugih propisa iz oblasti saobraćaja, koje Bosna i Hercegovina mora imati kako bi bila dio procesa evropskih integracija. Usvajanjem Saobraćajne politike omogućava se razvoj saobraćaja u Bosni i Hercegovini shodno potrebama građana i ekonomije, te se saobraćajni sektor usmjerava na tržišnu i konkurentsku osnovu, u skladu s propisima Evropske unije i pravilima Svjetske trgovinske organizacije.

Branko Dokić smatra da je potrebno usvojiti Saobraćajnu politiku, koja je sačinjena dosta korektno, s tim da ima određene primjedbe u smislu jasnoće teksta.

Na prijedlog Branka Dokića, Komisija je konstatirala da u tekstu Saobraćajne politike postoje pravno-tehničke greške i to :

1. U nazivu člana 4. Prijedloga odluke riječi: „Sastavni dio Odluke“ zamjenjuju se riječima: „Stupanje na snagu“.
2. U poglavlju 4. Saobraćajne politike iza riječi: „Prometnu politiku“ brišu se riječi: „i strategiju“.
3. U poglavlju 4.2.1. -10 Saobraćajne politike riječi: „uspostavom upravitelja, odnosno upravitelja“ brišu se.

Nakon provedene opće rasprave, Komisija je, sa šest glasova „za“ i jednim „suzdržanim“, prihvatila tekst Saobraćajne politike.

U smislu odredbi člana 39. i 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

Ad. 3. Razmatranje izvještaja Ustavnopravne komisije Predstavničkog doma o autentičnom tumačenju člana 23. Zakona o Javnom radiotelevizijskom sistemu BiH („Sl. glasnik BiH“, br. 78/05)

Ahmed Jalovičić ukazao je da je predsjedavajući Predstavničkog doma proslijedio Komisiji na daljnje postupanje izvještaj Ustavnopravne komisije Predstavničkog doma o autentičnom tumačenju člana 23. Zakona o Javnom radiotelevizijskom sistemu BiH. U izvještaju je navedeno da Ustavnopravna komisija, u skladu s Poslovníkom Doma, odlučuje da li ima potrebe za autentičnim tumačenjem norme, te smatra da Komisija za saobraćaj i komunikacije treba dostaviti novi izvještaj u skladu s članom 137. stav (6) Polovnika Doma.

Komisija je, u svojstvu nadležne komisije, razmatrala izvještaj Ustavnopravne komisije, kao i mišljenje Vijeća ministara BiH s prijedlogom tumačenja člana 23. Zakona o Javnom radiotelevizijskom sistemu BiH, te jednoglasno prihvatila mišljenje Vijeća ministara BiH i upućuje Prijedlog autentičnog tumačenja u daljnu proceduru.

Ad. 4. Tekuća pitanja

Rasprava nije vođena.

Prvi dio sjednice održan je 28.7.2008., u vremenu od 14,50 do 15,25 sati. Nastavak sjednice održan je 29.7.2008., u vremenu od 9,15 do 9,30 sati.

SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
dr. Branko Dokić